

## D E U T E R O N O M I.

math sin fhaicinn a *tha* 'n taobh thall do Iordan, an sliabh math sin, agus Lebanon.

26 Ach bha fearg air an Tighearna rium air bhur son-fa, agus cha d'èisd e rium: agus thubhairt an Tighearna rium, Gu ma leòr leat e, na labhair ni's mò rium mu'n chùis fo.

27 Falbh suas gu mullach Phisgaih, agus tog suas do shùile ris an aird' an iar, agus ris an airde tuath, agus ris an airde deas, agus ris an aird' an ear, agus amhairc le d' shùilibh<sup>a</sup>; oir cha d'thèid thu thar Iordan fo.

28 Ach thoir àithne do Iofua, agus thoir misneach dha, agus neartaich e: oir thèid efan thairis roimh an t-sluagh fo, agus bheir e orra am fearann sin a chi thusa, a shealbhachadh mar oighreachd.

29 Mar sin ghabh sinn còmh-quidh 'fa' ghleann thall fa chomhair Bhet-peoir.

### C A I B. IV.

**A**NIS uime sin éisd, O Israel, ris na reachdaibh, agus ris na breitheanais a *tha* mise a' teagasg dhuibh a dheanamh, a chum as gu'm bi sibh beo, agus gu'n d'thèid sibh a fteach agus gu'n sealbhaich sibh am fearann a bheir an Tighearna Dia bhur n-aithreacha dhuibh.

2 Cha chuir sibh a' bheag ris an fhocal a *tha* mise ag àithneadh dhuibh, ni mò a bheir sibh ni sam bith uaith, a chum as gu'n gleidh sibh àitheantan an Tighearna bhur Dé, a *tha* mise ag àithneadh dhuibh.

3 Chunnaic bhur fùile ciod a

rinn an Tighearna thaobh Bhaal-peoir: oir na daoine sin uile a lean Baal-peor, sgrìosan Tighearna bhur Dia iad as bhur measg.

4 Ach *tha* sibhse a lean ris an Tighearna bhur Dia, beo gach aon agaibh air an là'n diugh.

5 Feuch, theagaisg mi dhuibh reachdan agus breitheanais, eadhon mar a dh'àithn an Tighearna mo Dhia dhomh, a chum as gu'n deanadh sibhse mar sin anns an fhearann gus am bheil sibh a' dol g'a shealbhachadh.

6 Uime sin gleidhibh agus deanaibh *iad*, oir *is* e fo bhur gliocas agus bhur tuigse ann an sealladh nan cinneach, a chluinn-eas na reachda sin uile, agus a their, Gu cinnteach *is* sluagh glic agus tuigseach an cinneach mòr fo.

7 Oir cia e an cinneach co mhòr, aig *am bheil* Dia am fagus doibh, mar a *ta* 'n Tighearna ar Dia-ne 'sna h-uile *nithibh* air son am bheil sinne a' gairm air?

8 Agus cia an cinneach co mhòr, aig am bheil reachdan agus breitheanais *co* cheart ris an lagh fo uile, a *tha* mise a' cur romhaibh air an là 'n diugh?

9 A mhàin thoir an aire dhuit féin, agus gleidh t'anam gu dìchiollach, air eagal<sup>b</sup> gu'n dichuimhnich thu na nithe sin a chunnaic do shùilean, agus air eagal gu'n dealaich iad red' chridhe uile laithean do bheatha: ach teagaisg iad dod' mhic, agus do mhic do mhac:

10 Gu h-àraidh an là a sheas thu 'an làthair an Tighearna do Dhé ann an Horeb, an uair a thubhairt an Tighearna riumsa, Tionail thugam<sup>c</sup> an sluagh r'a chéile,

<sup>a</sup> seall reachdaich air an t-earal      <sup>b</sup> chumam